

Lüt Wikipedia

isch en Regisseur

näbscht de Schauspier

die entscheidund Person

fer und bi Üffierige.

Ja, liebe Walter

dü bisch die entscheidund Person gsi:

bim gmischtu Salat

bi der Tour durch d'Altersheim,

bi um Himmels Willu-Herr Pfarrer

bi de zwei hertu Nussini

bi der Legända fam viertu Chinig

bi Kein Problem für Ludwig

bim Stress im Altersheim

bim Mutzji

bim cheibu Mannuvolch und

bim Cordon bleu.

Dü hesch d'Sticker umgeschriebe ine Walliserdialäkt;

de Spieler aagipasst,

d'Rolle ideal verteilt

und mit ra riesu Giduld und Üsdüür

d' Sticker und Spieler bühnuriif gmacht.

Dü hesch das mit viel Härzblüt gmacht.

Wie sellti ich mier schusch erkläru,

dass Sache Lampufieber

dü meischtuns d'Ranglishta aagfiert hesch.

Dier is glungu,

iisch bis zum letschtu Satz fa der Dernière

so ds motivieru

dass jede schis Beschta het gä.

Dis Gschpiri

wie mu Litt cha köschtlich unnerhaltu

und fer ds'Theater bigejschtru

zeigt schich im Erfolg

in all dene üüsverhöiftu Vorstellige.

Speziell erwähnu mechti ich

öi all die schönu Texta fer iischi Broschüre,

ganz speziell aber die bsinnlichu Gidichti

wa dü passund zu jedum Stuck verfasst hescht.

Nit vergässu wellti natirli öi dini güöt Idee

die schauspielerischu Darbietige

mit passunde Melodien müsikalisch la z'birichru.

Uberrascht het iisch der Walter als Regisseur öi,

wenn är ine Überhose bim Bühnu-Üfbuw

gschickt gibohrt, gschrübt und sagut het.

Liebe Walter

dü hescht die letschtu 7 Jahr

die Seniorubühna starch giprägt

und bisch mit verantwortlich fer denu gross Erfolg.

Im Namu fa

alle Mitglieder fa der Seniorubühna

dank ich dir ganz üfrichtig.

Dini Demission het nisch alli erchlipft.

Summe isch grad ds'Gordon bleu

im Hals schtecku giblibu.

Nei, im Äruscht

Wier hej Verständnis fer dieni Bigründige

und wiische dier fer die Züökunft

vor allum güti Gsundhejt und

gniess diini Pension

was der ohni iisch sowieso wird liechter fallu.

Ich wellti abschliessend nit unerlah

dir ds danku

dass dü dich anerbottu hesch

diinum Nachfolger bi der Textbiarbeitig z'hälfu.

Wier verliere en liebe, gmegige, verständnisvolle

und kompetänte Regisseur,

der Walter aber blibt isch erhaltu.